

**BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA
Z E N I C A**

Broj: T04 0 KT 0055111 23
Zenica, 09.11.2023. godine

**OPĆINSKI SUD U ZAVIDOVIĆIMA
ZAVIDOVIĆI**

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ź N I C U

Protiv:

SMAJLOVIĆ ELKAMEDA, rođen.1993. godine u Zenici, neosuđivan,

što je:

Dana 06.06.2023. godine, oko 22,00 sata, na području općine Maglaj, naročito drskim i bezobzirnim ponašanjem i nasiljem ugrozio građanski mir oštećene Č. A., na način da je u mjestu Čobe, na lokalnom putu Novi Šeher-Kopice zaustavio svoje putničko motorno vozilo marke „Škoda“ i na taj način onemogućio prolazak putničkog motornog vozila koje se kretalo iza njega marke „Ford“ kojim je upravljala oštećena Č. A., koja se sa svojim prijateljicama S. B., M. F. i M. A. kretala prema mjestu Kopice, izašao iz svog vozila, te prišao do motornog vozila marke „Ford“, otvorio vrata vozača i stupio u prepirku sa oštećenom Č. A. koja je upravljala vozilom i istoj rekao „Ne možeš ti ovdje voziti kako ti hoćeš“, te joj opsovao mater, a zatim joj rekao da upali duga svjetla, pa kada je A. upalila duga svjetla počeo da istu vuče za pojas kojim je bila vezana, te povukao za kosu, a zatim otvorenom šakom istoj zadao udarac u predjelu njene desne strane lica, a nakon toga joj rekao „Hoćeš li da zapalim tebe i auto“, te se udaljio sa lica mjesta, što je kod oštećene Č. A. i njenih prijateljica izazvalo strah i uznemirenje, svjestan da takvo njegovo ponašanje će izazvati uznemirenje i narušiti građanski mir kod drugih, a što je i htio,

dakle, nasiljem i naročito drskim i bezobzirnim ponašanjem prema drugom ugrozio građanski mir,

čime je počinio krivično djelo nasilničko ponašanje iz člana 362. stav 1. KZ FBiH.